

百
名
家
詩
選

百名家詩選

福清魏憲惟度輯選

栢鄉魏裔介貞菴涇陽李念慈岷瞻

忝

吳縣宋德宜右之南城吳學炯星若

曹玉珂字陸海富平人

感遇

考槃在澗阿詩書足所求
堦前綠竹外清溪向
人流看水時循岸孤雲正侶遊
雲色耽晚暮蒼然萬物秋
此際意無限不必問滄洲

詠史

文淵累尸還壯猷。垂千祀。丈夫遇知己。許身當
如是。竟來苾蕙。讒聖明。亦難恃。當其稱。矍鑠論
年。可以止。歲花不再榮。春風看桃李。

叔度比顏淵。所著無文字。良以客氣盡。氣與道
爲際。間事不肯言。靜中度身世。泛泛仙丹侶。圭
角何多事。

秋日效鮑謝體

冉冉黃花寒。離離赤葉披。四顧郊野外。曠懷易

生○悲○木○脫○鳥○宿○竹○萍○開○魚○見○池○烟○耿○山○常○隱○
巖○霜○未○衰○遐○寄○矚○草○木○惻○焉○摧○落○時○
爽○氣○集○亭○臯○天○圍○靜○且○素○疎○葉○老○增○妍○孤○月○寒○
生○露○夜○修○蠶○語○闌○水○清○鴈○影○渡○栖○遲○興○自○怡○佳○
境○倏○然○遇○

齋中讀書效康樂體

園○柳○搖○芳○湄○寒○藻○舞○清○漣○怡○情○隨○俯○仰○遇○物○歎○
自○然○循○古○志○要○妙○推○移○昧○所○言○山○光○紛○故○情○澤○
景○迸○新○妍○晴○天○澹○晚○雲○遠○樹○媚○寒○烟○交○交○藿○苗○

場蒼蒼蒹葭川伊人美如玉。騁望思已延。
平霞從朝湧。餘清還夕至。曉遲知雲重。木脫識
秋去。不有千載書。孰申百代意。唐遵誠云。勞。梅
福亦多事。息心觀元化。前林自樂瘳。

荅友效梁陳體

水際常滿烟。孤村易生暮。澹瀨起容姿。晚霞興
雲路。寒鳥識舊宿。靜者依高樹。思君山川間。此
夜同白露。

山齋獨坐擬楊處道

獨居易永言昕夕看風雷歸雲渡遠村高柳
斷橋花落鳥閣淡日隱山寂寥虛室生幽氣修
竹動回飈古人去我久默坐余心遙

兒朴送楊樹滋自華下回

伏枕卧山塢兒朴送君行夜坐起陰雲月向雲
隙明村鷄棲樹巔忽聞扣柴荆兒僭僕馬歸君
已赴王程歷述新吏色如日覩送迎是夕擁離
思寸心千里橫展書不能讀窓草滴雨聲一燈
靜四壁秋蛩何事鳴

藏溪

余家籍洪洞。遠稽不敢誣。自晉移潁水。傳在孝陵初。渡河北。屋儻相地。卧龍居。俗靖依喬木。淳風世詩書。南園闢負郭。桔槔植嘉蔬。宦成孤松長。搆茅遂縣車。幼聞堂上言。高曾此敝廬。往者寇作逆。沿郊立墾耰。通宵炬如月。盡棟充薪芻。饑弱因舊田。復徙溫泉隈。水碓喧竹木。高柳覆河渠。波光清可鑑。不宜字以愚。地輿既未載。水經亦未疏。既未闢大道。亦未交通都。稱此溪。十

藏名與實相符。黽勉仕宦歸。終當共爾娛南園。
似續興。永作午橋漁。

步韵荅王幼華

永夜同心語。其臭比蘭椒。邇來賦離居。風雨日
瀟瀟。遮塢柳色青春色。渡河橋。仰視星漢明維
斗。亦有杓便便。崎嶇人分馳。不相邀。爾我絕回
曲如波。赴東潮。相期勉始終。仰首指雲霄。

送陸見南同學會試

冬杪柳如醉。文去但存質。不青霸陵道。偏染征

人相設餞君舊塾交疏萃靜謐始悟十年時山
水虛白日一尊君行後仰睇飛雲疾

楊妃墓

德艷同留跡天人似有私馬嵬一古丘聚觀道
左碑雨後出其粉尚醫女面媧千載發靈異而
死在當時魂魄能生物原隰受轉移西近大家
墓董叟總未知

秋間效齊梁體

寒日影如月凄風晴亦燝想望一無際魚鳥自

相憐孤帷霜易入。明鏡照空懸。人情逐春槿。不
知晚歲天。
遠鐘搖竹木。對鏡減眉黃。踈榦凝遥壁。寒籥徙
回廊。侍兒誌月影。棲鳥驚燭光。翠袖常幽獨。門
函塞上霜。

美女篇效陳思王

美女靜且嫺。駕車行採桑。嬌葉擢新綠。好鳥起
回翔。素手援柔條。參差動鳴璫。玉骨鳴嫋嫋。風
飄翠帶長。舉頤生靈異。人衣滿路香。行旅用徘徊。

徊少年以徬徨深閨觀圖史所志古明良庸衆
徒紛紜玉顏在空房

霽雪

霽雪又輕陰寒氣擁庭樹澹日浮晴暉簷溜凝
滴露饑雀靜不譟寂寞生遙慕
踰行冰路一疏寓素

幽蘭

幽蘭在中谷時至自發榮無心逐群葩亦多香
氣生風雨懷憂虞獨立睇陰晴翻憶植名園培

護順物情草木不能言惻惻抱至誠

擬古從軍

將飲河梁餞兵列渭水陳意氣懷史簡慷慨拜
鬼神中原隣朔氣窮野接秋旻川平日易晚山
荒草不春孤月白同沙片雲黃似塵橫笛哀寒
夜征雁斷霜辰召募多蕩子草檄集詞人騎馬
賀蘭上釣魚西海濱

憶幼華南遊用玄暉體

秋光欲續冬蕭颯正秋餘雲集晚霜隔禾收平

野。歸。寥。寥。此。時。望。余。心。將。焉。如。既。憂。寒。苦。逼。復。
驚。歲。月。除。感。歎。同。懷。子。南。州。何。處。居。

閨情

疇。昔。見。君。書。梅。正。花。籬。邊。風。迴。雪。已。緩。對。使。立。
雪。前。別。日。不。堪。憶。憶。此。已。經。年。

松

引。領。睇。前。村。悠。然。見。一。松。始。悟。未。秋。時。衆。木。葉。
相。同。日。夕。嚴。霜。起。寥。寥。寒。野。中。人。生。不。滿。百。愧。
此。長。青。葱。

康山和幼華

康德涵彈琵琶處在揚州

意氣從招謗。盛名果誤身。御友不自潔。甘心托
酒人。琵琶彈市廛。觀者塞城闌。清時棄軒冕。和
平荅高旻。維揚名利區。水雪灑紅塵。遺跡尙高
丘。誰肯剪荆榛。

河水

有村在河畔。秋來河水溢。高原倏爲谷。而况原
上室。陰雲結暮烟。龍蛇共白日。昔爲屋中人。今
成浪底骨。晚燐浮波上。夜深聲唧唧。擇居旣不

智○天○人○豈○倉○卒○

擬古

南園貴公子。好爲長夜歡。日暮巷無人。燒炬喜
相看。影搖馳美酒。歌舞聲珊珊。爲樂方幾時。農
家夢已殘。駕牛耕東菑。明星照燦爛。衆動各營
爲。飲者寢初安。

得釜山書用杜工部水檻韻却寄

燕市聚君寓。每日看雲飛。避人卜遠處。簾靜晝
常垂。烟動任群類。師訓明兢持。揮涕送南還。濁

浪危樯欹空歸。畏庸愚益爲此輩。喚天漢浮河
來。門外樵一。支登岸復依人。何久困爾爲書至
思前事驚定還餘悲。

雜詩

窮達亦何常。惟人欲所生。此境從無盡。空勞喜
與驚。卓哉古哲人。寂然學忘情。心想通萬物。無
處非和平。

詠史

爭土在父子。其事亦易明。何待証夷齊。至且請。

結纓季世聖人遠是非益縱橫我欲泣路岐楊
朱有同情

理一亘時移靜氣思前事穆穆古人心不平亦
歆意。鹽父非。翦商傳季夫何志。昭昭穹窿間誰
踐雷。俞致青岑若虛無。登之自可跂。

槃居

夙昔樂山水擇處得佳區泉源發門戶環山隱
村墟盛夏暑氣遑茂樹比依渠結茅不離岸簷
下卽可漁境靜心亦適任意讀群書歷思古初

人何者勉以如隔河有躬耕習勞已勝予

詠古

子房已封留後稱韓司徒忠武終爲漢盡瘁志
舊都一人意不移天地亦躊躇吁咈去世久堂
簾似行途魚水史日跡無道並無愚

呈石生魏先生 先生選觀始集收拙作

昭代偉人世其企事功理學兼文字一時性情
受裁成尋常壁壘皆變易遂令風氣躋而上聲
音之道復元始去漓還淳斷自茲手扶太極挽

三季珂之愚也。且栖栖耽書懷古，卧藏溪感遇。
偶如重鳥鳴浮雲寥泚，誰爲梯鐵網魚目附珊瑚。
譬之物焉，山井泥劣骨雖非行山馬千秋躑躅，
一長嘶。

春雪歌

一帶坤軸昨夜裂，陰氣千群出振擎。海東寒雲
騰如馬，空中沉溟連陣結。雨師灑瓶不得下，初
爲冰塊滋成屑。前日梨花散香風，緋衣侍臣咏
欺雪。看花紫陌吹羅衣，忽撲春重凍欲滅。西風

應是明夜晴。雙清且看古今月。

轅駒行

轅下駒。爾何慕。上有千鈞之載。下有九折之路。
疾藜當道。皮骨露。爾餘千里之能。何不逸去。馳
雲霧。吁嗟乎。騏與駉。非同步車上之人。不一顧。

風

怒風擁土奔寒氣。池水似石陌如沸。枯木無葉
枝作鳴。鳥雀不飛。寺門閉。此時羸馬尚栖栖。薄
面欲裂眼欲迷。遠望烟火林中曳。掩扉酌酒對。

山妻

秋懷

納涼曾幾日。風意競殘秋。積雨生寒早。濕雲入
夜稠。非時驚落葉。斜日更登樓。何處蒹葭岸。掩
扉無所求。

重陽更愁雨。日暮霽高霞。荻盡河光出。葉稀山
影分。如心無一事。與衆尚同群。關上高原望。華
峯多白雲。

送張紫弼南旋

千門霜月霽共坐一燈殘日暮風尤急凍深雪
自乾匡床客夢淺薄被烏聲寒明月君南去梅
花到處看

雨

雨角依山近前驅驟且狂雷聲千壑怒電影一
溪長里人修水路燕子斷雲翔狼藉荒村裡靜
觀喜晚涼

蒼然閣

此地誰成閣百年我獨臨雨生新竹遠雲隱暮

山深倚檻紛榮謝。開窓橫古今。遙瞻李杜廟。城外柏森森。

暮雨

細雨荒村至。西來傍落暉。霧交增暝色。烟起接寒雲。平野低山勢。長河漲水垠。忽然人暗澹。空有夜珠聞。

聞幼華寓吳門寄訊

日落吳山外。蒼然遠望迷。誰能離薄俗。君自由長隄。夢擁秋風轉。書旋曉月低。吳門訪市隱。滿

載有新題

雷雨

良苗懷久旱雷雨夜飛來
流照依雲變割鳴到地迴
乘風勢過急洒潤物先墮
不破田中塊屢豐徧八垓

蟲

好靜移南寺蟲生草樹翔
巧能入帳匿態以去燈狂
善飲知肥遯惡聲昧退藏
從來多不寐此夜益徬徨

聞說秋風至。蟲生利口花。天時亦有節。爾欲豈
無涯。類自乘昏聚。聲猶入市譁。蕭蕭葉盡濕。何
處尚爲家。

應人師聘將往天水留別舍弟

寒官旣尚遠。家食亦難謀。特爲高堂養。復成師
席遊。樹生前路夢。烟杳故園秋。遺僕耕南畝。作
身有崩緇。

送謝晉侯同年

萬里西川路。微官蒞小城。多危惟信理。遠害須

能○清○山○立○垂○叢○暗○雲○開○鳳○闕○明○除○荒○得○俸○少○祿○
養○若○爲○情○

晚晴

歸○雲○脫○暮○嶺○夕○照○出○高○林○餘○雨○風○猶○送○疎○鍾○月○
漸○臨○前○山○明○翠○壁○隣○舍○起○清○砧○不○覺○憑○欄○久○小○
窗○鳴○素○琴○

簾內美人

珊○珊○玉○佩○近○簾○櫳○欲○下○庭○階○怯○曉○風○初○捲○素○妃○
離○霧○內○復○垂○巫○女○隱○雲○中○近○聞○香○度○金○鉤○靜○止○

露。初。風。蓮。瓣。紅。雙。燕。飛。來。徒。自。繞。懶。看。窓。外。落
花。叢。

帳裏美人

攬衣獨起坐蘭帷。尚未開粧喚侍兒。殘夢依依
床。懶。下。幽。懷。冉冉枕難離。曉光偏映花初醒。香
氣。遲。浮。蓮。欲。垂。羞。學。去。屏。花。簾。臥。待。郎。前。始。整
容。儀。

送董孔昭旋里

薇署槐堂此判君。應知秦地動星文。匣中風雨

雙龍躍轅下晦明老驥勤夜語堪懸孤月夢素
心欲贈一峯雲遙知別後相思處西望故人看
雁群

過靈石李公祠

衛公遺廟栢森森尚有荒碑傍碧岑寶劍函中
響子首玉鞭馬上美人心一尊酒盡楊花暮半
局棋殘海樹深道上於今空似鷺隨塵寂寞落
車音

懷溫玄肆

朔氣增寒欲暮天
峩山樹杪對溫泉
薜蘿夢寄閒雲外
湖海情深落雁前
臥病庭柯生返照
憶人芳草入新年
西京此日推楊子
已有桓譚見太玄

擁爐

擁爐閉戶入嘉平
欲雪陰濃晚又晴
街鼓衝雲噴異俗
寺鐘伴月起寒聲
懷人舊寄金徽曲
小婦新懸鐵馬鳴
覓祿長安將一載
近來處處故鄉情

葺屋

屋破秋風懶且貧
入冬纔覓補茅人
凍雲欲雪孤村暮
濕氣增寒四壁新
裴廸難求摩詰友
卧龍宜傍德公隣
空懷暫任蒹葭岸
明月梅花何處春

紅葉

紅葉欲殘動寂寥
連陰暮雨復瀟瀟
朔風北去蝸名薄
秋色他鄉鳥夢遥
作客登臺逢落日
懷人對月坐清宵
夏來已至黃花後
昨夜歸鴻盡

渡橋

紅塵

紅塵一任去來忙
欲任何煩又憶鄉
人道從前原夢夢
我觀是處有蒼蒼
樹鳴沙起晴如雨
寓靜簾垂夏亦涼
俯仰百年身上係
微官詎敢任行藏

梁園

梁園草色似汀洲
入夜清歌每未休
繞樹斜飛池上燕
避人低汎水邊鷗
思鄉忽憶經秦苑
懷

友偏宜上酒樓有客空言丘壑好問誰不向帝
京遊

夢樹滋

行涉盡橋水一灣南園續作俯潺湲千尋碧樹
初凝雨兩岸明霞遠映山忽共良朋登紫閣更
逢仙馭過函關遨遊未竟東方曉自笑盧生枕
陳還

讀禮荅贈

十載君書肯向誰交情不復問天涯使來傳語



看明月。賻入含哀。對素帷。夢裏梅花清自賞。山中桂樹臥相宜。故人剩有河山在。颯沓西風有所思。

過靈石山

鬱然遠望思悠哉。道上行雲黯復開。守拙難辭生事累。性疎方見古人才。青山若笑君如夢。芳草無言客又來。斜照淮陰山上廟。忽聞歌舞起荒臺。

王山史一鶴亭次左微之韻

結亭高對華山雲清唳亭前四野聞見月原宜
林氏宅對琴堪憶趙公群懸知雁字慵爲草不
必鵝鳴愛寫文應有買田新作券讀書暇自課
耕耘

新秋

北渚園林忽報秋清陰檻外接滄洲白雲千里
來何事明月空山往莫儔堪憶黃鶯鳴谷口可
憐花翰染南州非關蔣翊嚴三逕當日人無二
仲遊

經時

經時客舍掩窓紗長晝寥寥惜歲華日映陰雲
蒸暑氣風行不雨走塵沙市聲近擾竹床夢閣
夜遙聽檀板譁駒隙何堪成久寓白雲冉冉動
思家

乙未初度

此日年年常作客于今仍復旅長安夢中桂樹
齋前發陌上梅花篋裏看猶有舌存談夜月正
逢裘敝覺春寒長歌不作窮途哭笑指文禽集

盡欄

樹滋青藜閣

故人高閣照青藜
鄴架書連盡棟齊
醉起門前看碧水
夢回葉上聽黃鸝
一軒竹裏花爲壁
三逕籬邊柳拂隄
依檻遙天同極目
明霞夕映滿窓西

雜詠

隨地流泉萬木深
蒹葭兩岸曉陰陰
白雲若識冥鴻意
黃鳥獨懷野老音
石在橋邊誰覓履
龍



亡罔上世無槩同心共憶河山遠雲物蕭條自
古今

定國寺

上方夜半起狂飈重幙佛燈影動搖黃蘗已殘
風更急綠叢經凍葉全消川原光映美人地水
石聲清國士橋曉起莫勞頻遠望黃塵碧海不
相遙

得家書寄公勇

果然頻顧又頻周每接書來頌潁州紅粉別時

期未遠白雲深處勢當留弱孫學語能看月長
子行文可望秋聞道天官循榜序明年定到
帝京遊

夜坐

殘暉冉冉柳邊迷一室燈明新月低何處樓頭
書野鶴有誰枕上舞荒鷄桃花不種玄都裏玉
樹偏生藍水西塵世丹丘原有地莫勞遠問日
栖栖

立秋

草堂開向綠楊灣。千樹濃陰日閉關。于世漫勞
投白眼。芳隣偶喜結青山。夜來一影猶從客雨
後。天空起放鵬。何處秋風一夜至。現中條。爾易
朱顏

送內弟強二而義入蜀

困人生事竟西遊。蜀道風烟寄廟綏。同舍一尊
橋畔柳。孤踪獨過驛邊樓。武侯祠外城如錦。桂
甫堂前水尚流。聞說兩川多勝跡。莫因訪古自
淹留。

月下梨花

和徐文長四首

暖宵圓壁覆閒墀
偏照繁花皓影遲
坐對庭前雙玉樹
夢回枕上伴瑤姬
紅塵客遠清光處
碧葉人嫌白晝時
曾憶閉門憐細雨
莫虛良夜泛霞卮

東風夜靜擁晴光
素蕊空明歛艷香
曾羨秋凝圍是水
早看春剪瓣如霜
清池倒影浮銀浪
盡棟流輝坐雪堂
玉女峯頭開寶鏡
芙蓉已厭飾新粧

麗景當軒初夜時
瑤華合壁共離離
樊川集霰臨秦鏡
御宿浮光動漢池
粉帶微黃連桂蕊
艷生積素飾蛾眉
尋芳暮蝶飛仍去
應怯寒光宿別枝

瓊樹初開蕊未殘
空庭皎皎倚欄干
影移草色渾疑露
香繼梅花不借寒
左掖清暉人似玉
西園冷艷語如蘭
唐家子弟笙歌處
喜對瑤蟾到夜闌

白燕

和袁景文

小庭簾捲上銀鈎帶語雙搖雪影浮夢憶瑤光
丞相閣曉含霜色美人樓茅山隱處初相見漢
水歸時不共遊遙望海天入再至飛雲別有白
雲光○

曉行烈風

曉行隱隱起晴暉忽爾長風動地圍一往人如
冰在體相逢客盡土爲衣非江八月推濤至有
物盈空擁石飛茅店尙遙難息馬從來任運已
忘機

秋霽懷范昭卿

秋色淒淒宿霧長
遶門山水見晴光
山開夕照明花逕
水散輕陰接草堂
窗外蕉聲雲帶雨
洲前荻老露爲霜
寂寥此際懷人切
東望萊蕪片月涼

秋

雲藏天色淨斜照
簷幽閒半世閒人
裏孤身百事間

閨情

亦知戍尙遠愁心不自舒聊問隣家婦誰見和我書

雨

曉日入雲裏風沙隱淺暉雷聲忽遠近樹影向人飛

枕

推却鴛鴦枕中藏邊地程有時倦來著勞妾往返行

新婦

新婦思母家頻歸又畏禮容且姑嫜前微言衣
當洗

春江花月夜

明月窺紗窓梅花影忽起問春尚未來應近長
江水

讀曲歌

相送把郎臂淚落沾郎體常見淚痕處雙臂莫
教洗

唱鷄所爲五更人所名不是兩相迎夜長不

郎明

折楊柳歌辭

送郎大道側驕馬頻長嘶是儂雙淚落流波浸
馬蹄

臨行藏郎鞭楊枝不近手郎馬不得行佇立相
和久

上外曾祖母孫太君墓

府君一歲失祖母育于太君年年躬具
麥飯今年惟珂上太君墓矣

昨歲府君病在床命兒麥飯具壺漿今年上墓
獨歸後誰問墓前草許長

贈張山人

家在秋風溫水濱中原白眼有嶙峋聞君多寫
青山賣寫我青山作主人
山中伐木憶相求一笠詩瓢計遠遊萬里圖中
君指路烟雲何處是滄洲

寄張文谷同窓

窈窕空山若對君月明柳外度高雲忽然後半

秋聲至曉起推窓盡作雲

日映寒雲柳拂堤雁聲縹緲過藏溪懷人偶上
東皋望一帶蘆花盡向西

送韓聖秋南遊

佳人南國倚朱樓西北浮雲望雍州到日紅粧
迎戶笑何妨行色是深秋

次常擎宇給諫韻兼懷其太尊天部先生
夢入青山自拂衣先公隱處有漁磯漫泉河畔
蘆花滿時看孤雲水際飛

青瑣朝班補袞衣歸來坐看水中磯開籠忽放
白鷗去一任秋空萬里飛

梧掖先朝久寂寂近來折檻有朱雲山公啟事
書猶在海內新增諫議文

無題

卷髮疎雲彩袖新爲憐昨夜淚沾巾幾看歌演
長門傳不識今時作賦人

秋雨堂詩集原序

魏子曰四時之氣莫淡於秋空月莫潔於秋空
水莫靜於秋空山亦莫韻於秋空菊空蘭故士
之生於秋者多冰玉之姿焉余友吳星若生於
秋者也其性與情與之相空詩亦清亮雋逸得
秋之神其名詩以秋空也朕不僅以秋而掇之
雨者何也我知之矣星若生長豫章地有麻姑
之泉山有匡廬之瀑水有九江之濤皆天地汪
洋之氣積而爲雨上可以起風雲下可以潤禾

黍在澤無涸在野無旱在草木無焦枯民得之
以生龍得之以升羽毛鱗甲之族得之以無虞
乾天札之患雨之時義亦大矣而星若曰不朕
也吾蓋悲夫秋之爲氣也白帝司辰素商紀節
日黯淡而將陰風浙瀝而如泣夜淒冷兮漏長
晝蕭疎兮晷短皆足動人愁思起予寤歎於雨
時爲尤甚初帶風以飄揚繼隨雲而密布助疎
柳之欹斜催落桐以偃仰雁以之送淒惻之音
燕以之回差池之羽故宋以之悲杜以之興歐

以之賦也余獨何心能不泄之以詩乎朕以之
各其堂也說又何居蓋星若生於兵革之際邦
家多故水旱頻仍長卿之四壁空存馮驩之三
缺羞鼓其視此堂也亦蕭蕭秋雨焉耳余嘗登
其堂見其題柱有天下皆秋雨山中自夕陽之
句則星若之志又微且遠矣余烏可以意窺哉
余第愛其人其詩之空秋也

百名家詩選

福清魏 憲惟度輯選

太倉吳偉業梅邨 山陽陸求可密菴

龍溪李贊元素園 嘉善魏學渠子存 參

吳學炯 字星若號南溪甬城人

顧修遠先生拉遊慧山觀泉

清晨生微籟催我披衣起言訪慧山泉登舟殊
自喜岸接長短橋樓依大小峙一亭獨踞中泉
同天地始品者次中冷實與中冷比澄泓涵太

虛秋氣白雲裏臨流照鬚眉欲別懷難已

隣居訪桂同惟度松之

天氣正清秋結伴探隣里有桂三兩株含吐秋
風裏婆娑眷顧之香飛襲羅綺默默顛倒時淡
澀神如水樹色影斜陽遲遲但徙倚再來莫復
問榮枯渾如此

別鍾山

五載客秦淮與君獨爲侶不覺晨夕深默默無
一語稽首相別行四顧復延佇天地已如斯風

雨君自主

秋渡賞溪

秋風吹短棹泛泛欲何之岸濶波無際溪寒日
上○近○村○煙○添○樹○色○客思與秋安○若問滄洲趣眠
鷗夢裏知

登攝山絕頂同惟度玄圃

攝山高聳屐頻加踏破蒼苔石徑斜鳥外松篁
依佛閣雲中鷄犬老仙家層巒雨散青歸浦遠
嶼潮來白浸沙惟有山靈鍾我輩不勝幽興寄

煙霞

秋之宛陵曉途卽景

琴書檢點事遙征不斷溪山曙氣清殘月猶催
蛩語切○秋風頻送馬蹄輕○黃花淡淡生孤驛○紅
葉飛飛過短城○極月北樓煙樹裏謝公何處慰
深情

託友寄書

尺素憑君去平安兩字真莫將風雨損兼把雪
霜陳柳折官橋早柳開驛路新并州非可久婉

轉慰吾親

枯梅

曾經上苑帶香移
誰道如今守一枝
節操未更還吐色
堅貞能秉豈無姿
定知不入時人夢
有待偏宜處士期
分付東君休妬我
一天明月占疎籬

漁

孤舟遠水趁風歸
自挽江濤亂翠微
願得蛟龍忘歲月
何知霜雪落簑衣
潭深不餌由鈎直
日

暮垂綸笑網稀沾酒狂呼天地外滄桑雖改有
漁磯

登金陵鳳凰臺

秋風吹我高臺上望極秦淮古路長花鳥六朝
餘盡譜山河萬里壯詩囊蕭疎楊柳維車馬寂
寞梧桐如鳳凰却喜酒樓沉醉客年年歌吹老
滄桑

白燕

翩翩疑帶白蘋來雪羽翻風兩翅開乍看玉梭

穿書檻忽驚銀剪落花臺半痴斜日第邊墜一
片新雲屋外回欲雜烏衣驚不染呢喃聲裏漫
徘徊

過九龍灘

朔雪凍新梅遊人思歸歎買艇逋觀來九龍勢
如瀚我久怖其險未獲波瀾看始信石叅天雲
霧生古幹仰視一穹蒼何知日初旦枯木皆峯
巒老藤成帳幔水幻斜傾潭石壁剗狀斷濤怒
若奔雷浩浩從天漢舟行浪花中人笑漁遊泮

矢疾何足奇，烏飛如相追。英雄膽欲灰，猛士力
難捭。命輕不足言，視身猶僊換。顛翻孰能支，鼓
棹聲相喚。三老不輕行，灘傍人熟攤。平生心不
寒，到茲豈生汗。疑是泛河槎，蓬萊同一玩。天地
真無窮，愁懷醒一半。能浣蒼生頰，快哉水漫漫。
客建州將有都門之行寄慰家大人

颯颯秋風枕簟寒，閭疆遊子出長安。有家可寄
偏攜策，無地立錫且據鞍。北直芙蓉愁裏佩，南
溪桑梓夢中看。詩成淚染丹山色，菽水歸承膝

下歡

拾蕉葉作書

危闌靜倚思悠悠步採芭蕉當錦箋色潤頗堪
資玉案性柔猶得近青氈揮毫竟作龍蛇譜瀟
墨斜成山水篇爲囑秋風休浪剪畱供野客誌

新作

祖堂

堂固深樹裏古路自蒼蒼山靜松聲遠秋清泉
氣香煙凝千嶂雨葉落一林霜到此塵心靜瞻

依有法王

雨花臺登高

獨步荒臺上高秋一雁過晴嵐歸野樹返照入
江波強醉茱萸酒牽愁楊柳歌非關鄉思切但
恐老干戈

棲霞寺

石磴層層倩短筇薜蘿門外水溶溶綠齊新圃
千竿竹翠積高巖一壑松客卧禪關招遠鶴僧
歸煙徑起疎鐘名山到處爲知己欲向雲間乞

半峯

五日羅鶴儕時先招遊秦淮燈舫同徐仲

光魏惟度諸先生

銀鹿相邀畫舫迎客中佳節倍心驚
菖蒲酒醉愁聞笛楊柳花飛懶聽鶯
兩岸樓臺憑水國一河燈火雜天星
同人細說秦淮勝惆悵繁華六代名

喜侯晉水明府重建煙雨亭

虛亭結構自年年潭水桃花問謫仙
岸澗沙平

千澗落城高樹遠萬山連新開水檻臨丹壑重
送笙歌入綺筵令尹風流常醉客好畱名蹟在
雲煙

登煙雨亭同魏思永限韻

百里溪山兩眼收無邊秋色可同遊奇雲勢欲
翻千嶂古樹陰深聚一樓亭下汀洲紅蓼集城
西蒨屋晚煙浮樊川在昔畱題去惟有空江日
夜流

秣陵喜遇徐仲光先生

相逢湖海客衣拂六朝塵品節能尊世文章不
厭貧懇懇許驛路悽惻說鄉隣莫問鍾山景松
楸泣鬼神

春遊佟漚白中丞僻園次宋荔裳觀察韻
探幽頻問路爲我指江干客至門初啓花繁露
未乾蘭清堪作友松老亦宜官欲寫園林勝詩
成興不闌

轉向長亭上簫聲小院西燕飛花裏濕鶯度柳
邊迷一徑依池曲千峯入戶齊山川鳴得意桀

酒亦堪攜

欲成今古業養晦一江間日暖山嵐翠春晴草
色斑林深藏鳥雀池濶隱魴鰈遙指天高處飛
雲帶鶴還

踏破蒼苔路相看綠滿園橋亭圍幾樹巖壑抱
孤村禮爲知交設詩因我輩存徘徊情未已夕
照返前墩

不待中丞約花開愛客來橋灣春水合徑曲曙
雲開綠野陶真性青山養大才忘憂知未可萱

草莫頻栽

酒設花棚下山廚次第營
遶峯雲裏暗芳草日
邊明密塢留春色飛濤作雨聲
先生能醉客歌
管屢相更

花香群蝶醉水靜數鷗眠
村樹時堪畫鄰鐘別
有禪衣冠分座立
琴劍一堂懸欲領江干趣穿
籬再覓椽

縱談頻不倦圖史積雲床
杯筯皆殊製盤餐出
異鄉山光生晚霧帘影弄斜陽
忽覺春寒至微

風入鵲鷄

黃山天都峯

冥搜不覺路崎嶇盡攝諸峯入畫圖杖履雲隨
排帝闕笙簫風起奏仙都無邊滄海空雙眼大
地奇山截一隅跌坐却忘秋欲到松聲鳥語共
相呼

登敬亭次史及超太史韻

北郊十里縱奇觀歷盡松坪陟衆巒亭聳昭山
疑地縮嶺遙宛水失天寬青霄淡淡雲霞變白

日荒荒草木寒漫道謫仙看不厭至今憑眺幾
人闌

夜坐與魏惟度評詩

寒燈相對喜同人今古詩將次第掄夜靜不知
明月好更深殊覺遠鐘新長篇細讀存風雅奇
句狂吟泣鬼神欲使漢唐歸此日推敲嚴處動
星辰

送叅藩陳綠厓先生督脩貴竹

不辭萬里向棲霞自是新恩綵戟華桃葉渡頭

舍暮雨竹雞聲裏探秋花度支有節閒行郡飛
輓無畱早放衙指日黃綸移近地期君歌吹
過山家

蕭孟昉研鄰

名園新構恣探遊曲曲疎籬徑自幽山色江光
千蹀鎖花香竹影一樓收琴尊與客消清晝風
雨懷人不問秋窗火熒熒惟著述好將詩史繼
前脩

梅花

不染胭脂色自工却將素節隱閨東幽閒處士
霜花外冷落佳人鶴影中韻出溪山情有在香
銷紙帳夢常空相思獨有漁樵伴漠漠初生海
月籠

延津送任東禎之溫陵

草草相逢碧水隈正當孤艇九峯開心關天地
畱詩卷志在河山問酒杯劍氣尚凌雙峽水笛
聲遙寄一江梅溫陵自有知音者好把經綸仔
細裁

由北山至情覺軒歸卧南廬

幽居無所事偶出北山麓千峯含夕陽松栢圍
園築苔徑甚不同危欄多屈曲僧閒靜掩門客
至自看竹衣帶亂微煙馴鳥互相逐次第禮空
王恍惚過西竺爐中烹新茗架上存舊軸攜友
出疎籬轉入一茅屋老僧意相親沙彌韻不俗
奇花滿院香名利不相屬自思雨雪身不清濁
世目靜坐忘古今詩書或堪讀忽見短牆頭千
竿一片綠日落催遊人溪聲時斷續貝葉不可

翻清泉猶堪掬歸歟倚庭除露草含珠玉晚霞
映寒梅暮雲掩崖谷微鐘入南廬篝燈爲待宿
涉獵山水間清卧亦云福

愛妾換劍

抱恨山河嘆莫酬花容古劍總關愁
難畱鴉髻陪歌舞易得龍泉起斗牛
星佩稜稜輝畫檻菱花寂寂拂吳鉤
縱橫直向凌烟上回首羅幃月滿樓

秋夜渡黃河

滾滾長河片片秋同人相伴水雲遊
黃沙兩岸沉漁網赤土沿堤列估舟
萬里波光衝遠嶼半痕月影下平疇
難分清濁猶堪笑把酒狂歌泛斗牛

翁未青以詩招飲歸途遇雨次原韻

偶爾停車水前忽傳折簡典翩跹尊中綠酒
寒卑醉蠟黃花晚更鮮同字喜臨楊子宅探
幽偏泛舟船歸途不斷侵衣雨欲放新梅笑
客還

雪夜

莫辨乾坤色。微茫雨雪紛。
光侵天欲曙。氣冷夜難分。
窗白猶疑月。山奇下載雲。
誰憐孤寺客。淒絕一鐘聞。

客武林夜集林兆經齋頭同魏惟度葉子

雨分得眞字

天涯意氣許誰眞。此夜談心浣舊塵。
縱酒薄霜侵燭影。敲詩寒月落花茵。
行藏莫計虛存舌。治亂難憑愧有身。
聚散故人須盡醉。滄桑幾見雪

梅新

涇川寄懷同學諸子

閒涉桃花潭潭深無隻鯉好友聚旌陽欲寄數
行紙別時桂始丹忽忽菊吐蕊感茲時物遷相
思徒爾爾夢繞梓山雲情深梅溪水雲水尚可
期吾儕寧若此憶別清風亭默然各相視不如
別汪倫一詩堪永矢

雨中喜王允侯過我夜話

寂寞黃昏聞剝啄愴皇相見慰淒其風來萬樹

秋深夜雨過千家夢轉時
劍若有寒
堪贈客酒
能遣興便成詩談深莫惜歸途晚
剪燭何妨更下帷

題徐公輔江城閣

輕風吹遠雁曲水靜浮鷗
畫得滄洲趣詩消日月愁
茶烟過短檻雲影抱虛樓
楊柳蕭疎色城頭正早秋

侯晉水明府贈我驂驪遊琴谿
歷金雞洞宿巖籬而歸

正欲探幽覓杖藜驂驢相贈向琴谿巖虛丹鼎
無仙跡橋接青山有客題古洞鷄聲藏野塢高
岩雲影落荒畦禪房信宿秋風起一路花香兩
袖攜

客中有感

石頭城古路迢迢六代繁華久寂寥地僻苔深
誰客到天空雁遠幾書招鶯花兩月閒中度琴
酒三春夢裏消獨有垂楊堪結侶依依猶向竹
窗飄

雪霽謁方正學先生祠

連朝陰凍客畱行
虔吊先生淚濕纓
木末霜花寒自發
山頭玉樹雪初晴
一○家○事○業○空○荆○棘○十○
族○忠○魂○想○旆○旌○蘋○藻○春○風○羞○獨○薦○欲○從○天○半○拂○
塵○迎○

脩竹園看牡丹

春深色白嬌隨意
步孤村水曲新畦
路橋橫野寺門清
香空淨土艷色隱
名園不識花憐客
依靜欲言

登牛首弘覺寺夜宿聚雲堂

危巖天闕插雙峯。石磴千層碧草封。塏影倒懸
堂可畫。雲梯直上路無蹤。高低岩壑生寒月。上
下樓臺出晚鐘。借得匡床聊信宿。四山松響夢
相從。

采石磯

一山獨枕大江流。緩步頻登客思幽。舟泛長江
雲縹緲。亭吞遠嶂霧沉浮。圍岩松竹新僧室。夾
岸村墟舊酒樓。欲問騎驎客。何處空餘春草綠。

磯頭

同魏兩峯結夏西湖留別陳綠厓杜于皇
張南邨胡致果諸先生限韻

知交難遽別聊與東行裝
鵲尾三山迴湖心一
寺空雲迴吳越白風漾水天蒼
但得消長夏詩成肅報章

周釜山太守枉駕兼索余詩賦謝

野徑起秋風虛庭花欲吐
對景殊寂寥蕭蕭微
雨度忽傳刺史車旌旄森
枉顧顛倒肅衣迎談

笑傾積素五馬裕風流九峯樹詞賦自緬逐風
塵驚駘馬足數啓我篋中詩幽吟媿學步倘得
附青雲千秋感知遇

東袁漢推兼訊令弟紫若

靈巖春色別君情泛泛孤舟逐水程遠嶂雲深
紅葉路虛樓月敞白霜城篋中詞賦頻輸醉夢
裏關河獨自行珍重弟兄須鍵戶墨花熬火夜
窗聲

寄懷張南邨

孤舟曾別芰荷香又復風吹籬菊黃
野浦砧聲寒夜月荒村草色動秋霜
吟成白下詩千首醉向青溪酒一觴
異地懷深常見雁如何空度石城傍

金閨夜泊

沉沉暮色客停橈徒倚無人話寂寥
風送鐘聲來北寺月移河影度西橋
高樓笛起三更酒遠渚船歸一夜潮
吳越興亡成一夢青燐野戍白深宵

題陳幼木學博卧遊草堂

下帷無所事。蔬圃愜幽情。孤鳥能呼侶。奇花不
辨名。水波千頃白。山色一痕清。貰酒常遲月。高
談對友生。

乳鹿哺茸草。新鱗齧小蓮。長堤柳似織。低砌槿
初編。酒氣降風雨。棋聲荅管絃。經過斜照裏。萬
綠漾清漣。

雨中顧茂倫同令侄廸公過訪卽別
偶卜江干駐。何當繫艇過。拂衣經雨亂。擣屐帶

花多今古交無僞詩文論不阿歸歟同小阮吟
嘯對清波

同顧脩遠孝廉舟泊虎丘

片石微茫接水涯虎丘晚色映平沙危橋欲斷
隣僧路孤埵能畱過客槎一夜秋風黃橘柚半
江明月白蒹葭鐘聲細聽全歸枕共數星辰落
劍花

遊辟疆園

福丹駕得泛秋霞別業危巖枕石斜入徑雲迷

斑竹葉。綠溪秋老。白蘋花。鳥鳴虛閣。高人榻。藤
補疎籬處士家。數里村煙城郭外。著書漫自長
桑麻。

登城晚眺同顧天石分韻

數武城西路。齊登挹晚霞。烟飛千嶂沒。風迅一
帆斜。古堞餘荒草。孤村落暮鴉。故園虛悵望。畏
說泛天涯。

秋泛西湖

平湖萬頃淡秋旻。極目蒼波漾白蘋。三面水搖

孤寺增城痕。煙斷遠村津。茫茫鷗鷺浮沉影。隱峯巒遠近神。却笑鑑湖多一乞。滄桑何處不
空人。

張友鴻司李招飲竹深書屋

杜門擁雪不勝情。喜拂青絲馬上輕。錯落樓臺
脚。日色參差簾幙透。歌聲芸香向晚迷。幽客酒
氣衝寒念友生。何處張華今再見。稜稜劍氣九
峯橫。

宋南陔進士招飲看菊

宴客花園。几秋深。未覺寒香從杯裏度。影向畫中看。艷色黃金縷。冰心白玉盤。餐英渾不厭。索醉倚闌干。

王農山侍御以詩見別次韻賦荅

獨枉高軒幾度看。談詩揮塵客懷寬。蒼生有待終冥出。朱轂無緣未肯干。雁度青溪山水迴。夢深黃浦雪霜寒。何堪千里愁離別。酒灑郵亭駐馬難。

墨林讌集分得秋字座有較書曉鶯倩蓉

主客皆同調登堂野色幽
畫中千嶂霽詩裏一江秋
菊淡人相得茗清泉欲浮
阿誰偏醉我纖手善藏鉤

寄魏惟度

忽爾經旬別離愁綠水連
夢分吟白苧道在憶青氈
夜雨江樓上春風湖舫邊
歸期應不遠浩蕩養花天

荅周宿來太守雨夜見懷韻

勞勞折簡慰萍蹤况值黃
昏霧氣濃深夜頻傾

孤館酒寒風遙送隔城鐘欲將胸次涵三潑
未奇文載九峯獨笑年來空寄慨一天新雨洗
芙蓉

禾中清明

暗光柳色故園春旅食天涯倍愴神寂寂提壺
黃犢路淒淒剪紙白楊津荒村老婦啼新壤野
塚孤鳥吊舊人自是水荒零落盡幾家煙火繞
城闌

宿天妃宮次傅陽

寫韻

古殿清秋夜天涯托夢頻書聲同寓客燈影異
鄉人枕簟深宵爽星河澈曉新雙親千里外何
處話艱辛

別洞庭

暫謝洞庭去登舟日色曛逢仙狂乞藥選石醉
畱文袖得湖中月囊攜峯際雲秋風如有信再
採莫將軍

莫將軍峯名

集宋旣庭讀書堂同尤展成余澹心家茵
次諸先生

一棹蘓臺下相逢話更幽茗香紛兩席梧竹綴
三秋青眼非關酒蒼山亦解愁况當同調者近
遠異鄉州

洞庭畱別許玉晨致遠家不官次惟度韻
連夕蕉窗吟嘯聲不堪天外說歸情湖風萬頃
催離別峯月三秋照友生蘆荻煙清當岸出芙
蕖水碧向舟明山靈有意如相問重與飛鴻寄
姓名

自雲間舟行至禾中卽事寄兩峯素公

蕩漾扁舟曉霧濃。江湖平接鶴湖東。寒煙不散。
孤村樹。春水時流。野浦風。楊柳數家。夕照裏。梅
花一郡。月明中。鴻歸爲報諸遊侶。午夜鐘清夢。
自通。

焦山

秋風遊興爽。攝屐就雲巔。蒼翠江中寺。澄泓水
底天。銘岩常憶鶴。詔洞幾畱仙。我欲乘槎去。海
門生暮烟。

過天寧寺訪曹顧菴學士

君留蘭若日我客邗溝城相見寒溫語深期風
雅盟林疎黃葉下寺古白雲生不盡追歡意斜
陽送別情

由醉翁亭過瑯琊歸飲亭上同魏惟度許

虞廷

朔風空閉戶寒山靳客履我來喜值一陽生日
暖山風催馬駛郊南茅屋三兩村峯前草徑四
五里石橋斜卧釀泉邊泉香流出山小之醴黃葉
飄飄上客衣翼狀亭畔石如齒歷歷樓臺祀醉

翁醉翁一醉文章起。鶴。泉。色。香。至。今。歸。風。
流。學。醉。死。傾。蓋。相。談。有。數。公。一。揖。虛。亭。坐。流。水。
須。臾。並。轡。上。瑯。琊。數。畝。畦。田。半。芳。芷。孤。佛。幾。僧。
了。無。言。貪。看。榆。栢。頻。徙。倚。歸。騎。仍。停。六。一。泉。澄。
泓。山。色。青。如。洗。深。林。煙。細。動。行。廚。削。壁。嶽。嶽。繡。
苔。綺。方。榻。從。容。列。山。肴。曲。水。流。觴。情。無。已。興。酣。
長。嘯。謝。主。人。今。古。佳。遊。非。偶。爾。徘徊。夕。照。落。寒。
鴉。石。溜。潺。潺。暮。煙。紫。

望瑯琊殘雪

山形平復起雪後更嶙峋色淡還依舊痕殘故
轉新餘峯疑石丈亂瀑濺幽人自識凝寒候應
生萬里春

積雨不得過傳石漪別駕寓中賦此却寄
曉夜峯峯濕翠侵難移蠟屐恣幽尋寒梅有夢
虛三徑春鳥無聲坐一林風雨客窗知讀易水
雲僧寺憶鳴琴何時買醉高臺畔日暖風清話
素心

長淮雨中

長淮疲遠客馬首逐雲齊帽濕桃花雨衣沾燕子泥風聲千隴集柳色一村迷廿里人煙斷荒蕪只鳥啼

至衛源大叅李素園先生招飲

草草相逢鍾阜日遲遲獨望太行雲停鞭千里勞過問作賦三都愧共聞月迴樓臺歌吹沸風傳羅綺酒尊芬竹林往事何須數尺五薇垣紫氣氤

夜懷張又益

時客郡司馬李梅邨先生署中

磻溪夜靜客星移。矯首疎林卧轉遲。別去張華分一劍。吟同李白合千卮。薰風有意吹難至。明月無情問豈知。深鎖重門空佇立。望京樓畔却爲誰。

贈鄭闇菴戶部

短裾纔得揖嶙峋。紫氣騰關喜借恂。自是濟川才較異。還知裕國計彌新。畫堂夜月含香使。茅店秋風彈鋏人。相慰憂勞天上語。歌呼野客識蒼旻。

題陳亦人別駕帳上蘭竹

蘭竹亦何清香翠墨痕裏夢後拜幽人亭亭一
君子

讀書清涼臺陸密菴學憲過訪不值賦謝

時偶客維揚

集

性懶殊耽幽僻地。邗江偶出採芙蓉。花菴空寄
狂夫榻。草徑虛承長者車。不惜青緇攜贈遠。深
慙白晢負吹噓。歸來明月清江上。水際寒鴻悵
報書。

舟行

正值春風嬌。飄颻事事幽。梅花江上路。柳色水
邊洲。遠客吟孤舫。新鶯囀畫樓。小奚能識意。沽
酒對江頭。

大風

荒山古屋旅魂驚。儘日狂飈作意鳴。樹木顛翻
沙石亂。江河奔激水雲橫。勢歸浩蕩疑無影。氣
拔虛空自有聲。不覺蒼旻昏旦暮。石尤今喜破
愁城。